



**Environmental
Justice Fund**
BY ACTIVISTS • FOR ACTIVISTS

Tsebisō ya ho etsa dikopo: February 2024

Mabapi le EJF

Letlole la Toka ya Tikoloho [Environmental Justice Fund] (EJF) ke mokgatlo o tsamaiswang ke batshehetsi o sebeletsang ho matlafatsa motsamao wa toka ya tikoloho Afrika Borwa ka ho fana ka tshehetso ya ditjhelete, matlafatso ya bokgoni le marangrang mekgatlong le marangrang a setjhaba.

Ea tshehetswang ke EJF

E le hore u tshwanelehe ho fumana tshehetso ho tswa ho EJF, u tlameha ho ba:

1. Mokhatlo kapa marang-rang (eseng motho ka mong) o ipapisitseng le, le karolo ya, sechaba seo a se sebeletsang;
2. Ho sebetsa ka toka tikolohong;
3. Ho ba wa mona Afrika Borwa

Mabapi le ya pele ya ditekanyetso tsa ho tshwaneleha tse hlahositsewang ka hodimo, ka kopo hlokomela hore EJF ha e amohela dikopo tse tswang ho di-NGO tse thehilweng. Lebaka ke hore EJF e thehilwe hantle ho rarolla bothata ba hore ditjhelete tse ngata di tlwaetse ho ya ho di-NGO tse thehilweng, ha mekgatlo e thehilweng setjhabeng (di-CBO) e sokola ho fumana ditjhelete ka ho otloloha. Ke ka lebaka leo re tsepamisitseng maikutlo *haholo* ho di-CBS. Ho na le di-NGO tse ngata tse etsang mosebetsi wa bohlokwa wa toka ya tikoloho mo Afrika Borwa, empa ha di tshwanelehe ho fumana ditjhelete tsa thuso tsa EJF hobane ho na le ditjhelete tse ding tseo di ka bang tse tshwanelehang ho di fumana. Hape ha re amohela dikopo tse tswang dikhamphaning tsa poraefete le mekgatlo e meng e etsang phaello, kapa ho tswa mekgatlong ya mmuso (jwalo ka bomasepala).

EJF e tshehetsa di-CBO tse thehiloeng le tse ncha. Ha ho hloka hore u ngodiswe ka molao e le hore u tshwanelehe bakeng sa tshehetso e tswang ho rona.

Seo EJF e se tshehetsang

Re tshehetsa tshebetso ya toka ya tikoloho. Re nka mokgwa o pharalletseng wa hore na toka ya tikoloho ke eng, empa kopo ya hau e hloka ho etsa kgokahano dipakeng tsa mesebetsi eo u rerileng ho e etsa le toka ya tikoloho. Mohlala, tlhahiso ya ho aba diphuthelwana tsa dijo ho netefatsa polokeho ya dijo e kanna ya se tshwanelehe, empa tlhahiso ya ho theha serapa sa dijo sa sechaba le ho kwetlisa ditho tsa sechaba ka melao-motheo ya temo ya manyolo le temo e tsitsitseng, e tla tshwaneleha. Ntho ya bohlokwa ke ho hlalosa kgokahanyo pakeng tsa projeke/phutuho ya hao le toka ya tikoloho.

EJF e ka tshehetsa mosebetsi, hara tse ding: Toka ya Tlalaemete le Phetoho e Loketseng; Tshilafalo ya Moya; Merafo; Taolo ya Diyo; Metsi; Matlakala; Boiketlo ba Basadi ba Tikoloho; Boiketlo ba Tikoloho; Ditokelo tsa Naha; Ho kgothaletsa tsebo ya matswallwa; Mekgwa e meng ya bophelo bo tsitsitseng; Bophelo bo botle ba tikoloho; Ho fihlella tlhahisoleseding ya tikoloho; le ho nka karolo ha Setjhaba ho etsa diqeto ho potolohileng mehlodi ya tlhaho. Sena ha se lenane le kwetsweng, mme re tla amohela dikopo tse ding kantle ho dibaka tse na haeba di ntse di wela ka hara sepheo sa toka ya tikoloho.



Mesebetsi yeo EIJ e ka e tshehetsang e kenyeletsa:

- Ketsahalo e itseng (jwaloka boipelaetso, kopano kapa kokoano);
- Ho hlophisa, ho etsa matsholo le ho etsa mosebetsi wa boemedi;
- Dipatlisiso tse etelletseng pele ke sechaba;
- Ditlhalobo tse tswang mekgatlong e thehilweng sechabeng;
- Mekgwa ya thuto ya tikoloho ya sechaba; le
- Mekgwa ya ho matlafatsa mokhatlo.

Kamoo tshehetso ya EIJ e sebetsang ka teng

Re fana ka dithuso tsa selemo se le seng tsa R50 000 – R100 000. Re boetse re fana ka tshehetso e tsamaisanang le tshehetso ya ditjhelete ka mekgwa wa ho matlafatsa bokgoni le tshehetso ya marang-rang. Haeba kopo ya hao e atleha, re tla buisana le wena ka sena ho ya pele.

Mokgwa wa ho etsa kopo

Ho na le ditsela tse pedi tseo u ka di sebedisang:

1. Tlatsa kopo inthaneteng webosaeteng ya rona ho <https://eifundsa.org.za/apply-for-support/>.
2. Daonloda foromo e fumanehang ho <https://eifundsa.org.za/apply-for-support/> mme o romele foromo e tlatsitsweng ho proposals@eifundsa.org.za. Haeba seo se sa kgonehe, o ka boela wa nka dinepe tsa WhatsApp tsa foromo e tlatsitsweng ho 0782910014, leha re u kgothaletsa ho romella foromo ka emaile haeba u kgona.

O amohelehile ho etsa kopo ka puo efe kapa efe ya semmuso ya Afrika Borwa.

Letsatsi la ho qetela la ho etsa kopo ke **la 01 March 2024**. Ka kopo hlokomela hore ha ho dikopo tse diehang tse tla amohelwa.

Ba etsang qeto ka kopo ya hao

Komiti ya Dithuso ya EIJ e bala dikopo tsohle le ho etsa diqeto mabapi le hore ke mang ya fumanang tshehetso. Komiti ya Dithuso e entswe ka batshehetsi ba nang le boiphihlelo lefapheng la toka ya tikoloho. U ka bala ho eketsehileng ka bona mona <https://eifundsa.org.za/the-team/>.

Seo re se batlang dikopong

- Kamoo mesebetsi e sisintsweng ya mokgatlo wa hao e tla ntshetsa pele toka ya tikoloho le ho thusa sechaba seo o leng karolo ya sona kapa seo o se sebeletsang.
- Kamoo tlhahiso e nahannweng hantle kateng – tlhahiso ya hau e na le monyetla wa ho atleha haeba mesebetsi eo u e hlahisitseng e hlahositswe ka ho hlaka (ho e-na le ho thathamiswa ka mekgwa o sa hlakang) le haeba ho na le kamano e hlakileng pakeng tsa mesebetsi eo u batlang ho e etsa le dipakane tseo u batlang ho di finyella.
- Re boetse re batla ho bona hore o nahanne ka tekanyetsokabo – tlhahiso ya hao e na le kgonahalo e kgolo ya ho atleha haeba se ka hara tekanyetsokabo se amana ka tsela e utlwalang le mesebetsi eo o sisinyang ho e etsa, le haeba o entse mesebetsi wa hao mabapi le hore dintho di bitsa bokae.
- Boemo ba mokgatlo le boikarabelo ba demokrasi bo teng mekgatlong wa hao - mokgatlo wa hao o hlophisitswe jwang, o etsa diqeto jwang, mme o tlaleha jwang sechabeng?
- EIJ ke mokhatlo wa basali. Sena se bolela hore re na le kgetho ya ho tshehetsa mekgatlo e etellwang pele ke basadi, le/kapa mekgatlo eo mananeo a yona a bontshang kananelo ka ditsela tse ikgethang tseo



basadi ba amehileng ka tsona ke ho hloka toka tikolohong le ba batlang ho tswela basadi molemo mesebetsing le mananeong a bona. Re nka mokgwa o tshwanang mabapi le bacha.

- Re boetse re na le tjantjello ya hore na o sebedisane le mekgatlo e meng nakong e fetileng (mme haeba ho le jwalo, balekane ba hao ba reng ka wena) le hore na o rera ho sebedisana ho projeke/ketsahalo/phutuhu e sisintsweng.

Re boetse re ela hloko dintlha tse ding tse mmalwa tse amanang le ditlhahiso tseo re di fumanang re le sehlopha. Tsena ke tse latelang:

- EIJ e batla ho tshehetsa motswako wa mekgatlo e thehilweng le e mecha. Lebaka ke hore re dumela hore ho hahle mokgatlo wa toka ya tikoloho ho kenyelletsa ho matlafatsa se seng se ntse se le teng, le ho tshehetsa mekgatlo e mecha ho kena mosebetsing ona.
- EIJ e ka rata ho tshehetsa mekgatlo e sebetsang ditabeng tse fapaneng tsa toka ya tikoloho, ho ena le ho tsepamisa maikutlo sebakeng se le seng feela jwaloka merafong.
- Ha Komiti ya Dithuso e sebetsana le dikopo kaofela, e boetse e sheba hore ditjhelete tsa EIJ di shebahala jwang kakaretso. Lebaka ke hore re ikemiselitse ho etsa bonnete ba hore re leka ho tshehetsa ka ho pharalletseng mekgatlo ho pholletsa le naha, ho kenyeletswa le dibakeng tse hole tse atisang ho hlokomolohuwa. Ka dinako tse ding re ka tataiswa ke taba ya hore mathata a tikoloho a mpe haholo dikarolong tse itseng tsa naha, empa re leka ka matla ho netefatsa hore bafani ba rona ba ditjhelete ba bontsha ho se tshwane ha dibaka ka hara naha ya Afrika Borwa. Sena se kanna sa bolela hore re tlameha ho hana tlhahiso e ntle haeba ho ne ho na le ditlhahiso tse ngata tse ntle tse tswang profinseng e le nngoe bakeng sa ho fa mokhatlo o tswang profinseng e nngoe monyetla, e le hore re netefatse boemedi ba diprofinse.
- Re ka fana ka dithuso tse lekanyeditsweng feela. Lebaka ke hore metswedi ya rona ya ditjhelete e lekanyeditswe. Hape ke hobane re dumela ho fana ka tshehetso e fetang tjhelete, kahoo ha re ikemiseditse ho tshehetsa mokhatlo, re batla ho etsa bonnete ba hore re ka phethahatsa boitlamo boo ka nepo.

Moo u ka fumanang boitsebiso bo eketsehileng

Bakeng sa tlhahisoleseling e batsi, ka kopo bala Moralo wa Dithuso o fumanehang ho <https://ejfunds.org.za/apply-for-support/>. Tsamaiso ya kopo e boetse e akaretswa chateng e fumanehang (ka dipuo tse ngata) ho <https://ejfunds.org.za/apply-for-support/>.

EIJ e tla tshwara **kopano ka kgokahano ya ithanete** bakeng sa bakopi ba ka bang teng ka **la 15 February 2024 ka 16:00**. Ho nka karolo ho sena, ka kopo sebelisa linki e latelang: <https://zoom.us/j/95800923574>

ID ya Kopano: 958 0092 3574

Haeba o ntse o na le dipotso dife kapa dife kapa o hloka thuso efe kapa efe, ka kopo ikopanye le rona ho info@ejfunds.org.za kapa 078 291 0014.